

MALLA LUONDDUMEAHCI ORTNETNJUOLGGADUS

Malla luonddumeahcci lea sirdašuvvan 1.1.2008 Meahciráđđehusa hálddašeapmái. Ortnetnjuolggadus, man Meahccedutkanlágádus lea addán 20.12.1993 Malla luonddumeahci várás, lea ainge fámus. Ortnetnjuolggadusas máinnašuvvon, Meahccedutkanlágádusa lobi vuodul suvvojuvvon doaimmat rivdet nu, ahte lobi mieđiheaddjin doaibmá Meahciráđđehus. Oktavuođadieđut ortnetnjuolggadusa loahpas rivdet nu, ahte lassedieđuid ortnetnjuolggadusas fidne Meahciráđđehusas čuovvovaš doaibmabáikkiin:

Gilbbesjávri luonddudállu (rabas giđđa- ja geassebaji áigge)
Käsivarrentie 14145
99490 Gilbbesjávri
tel. 020564 7990

Duottar-Sámi luondduguovddáš Skierr
Peuratie 15
99400 Eanodat
tel. 020564 7950

Lappi luonddubálvalusat
PL 8016
96010 Roavvenjárga
tel. 020564 6150
dahje 020564 6153

MEAHCCEDUTKANLÁGÁDUS**Mearrádus 20.12.1993 Nr JS1****Sisdoalloguovlu**Malla luonddumeahci
ortnetnjuolggadus**Njuolggadusat, maida
doaibmaváldi vuodđuduvvá**Luonddusuodjalanláhka 71/23, 3 §,
earát L 672/91, 16d §**Čuozáhatjoavkkut**Malla luonddumeahci gallestallit ja
geavaheadjit**Gustonáigi**

20.12.1993 -doaisttázii

MALLA LUONDDUMEAHCI ORTNETNJUOLGGADUS

Meahccedutkanlágádus lea luonddusuodjalanlága (71/23) 3 §:a ja luonddusuodjalanlága rievdadusa (672/91) 16d §:a vuodul addán mearrádusainis 20.12.1993 Malla luonddumeahci ortnetnjuolggadusa.

Eanodaga gielddas leahkki Malla luonddumeahcci lea vuodđuduvvon 1938:s lága 83/38 vuodul ja dan ráfáidahttima, hálddašeamis ja dikšuma birra lea ásahuvvon luonddusuodjalanlága 2 §:s ja ásahusa 932/81 vuodul. Ortnetnjuolggadussii leat váldojuvvon om. lágain ja ásahusas boahtti mearrádusat. Dasa lassin ortnetnjuolggadusas leat mearrádusat, maid Meahccedutkanlágádus lea luonddumeahci hálddašeamis vástideaddji eiseváldin vuoigadahtton ja geatnegahtton addit. Dát ortnetnjuolggadus guoská maidái guovlluide, mat maŋnelis laktojuvvojit luonddumeahccái. Luonddumeahci rájit leat merkejuvvon meahccái dán ortnetnjuolggadusa čuvvosis ovdanbukton rádjemearkkaiguin.

Malla luonddumeahcci lea vuodđuduvvon Suoma dilálašvuodain áidnalunddot, maŋggahápmásaš duottarluonddu suodjalan dihte vuosttažettiin dieđalaš dutkama várás.

1. Ráddjehusat

Luonddumeahcis ii oaččo jođihit doaimmaid, mat rievdadit dahje headuštít luonddu, duovdaga dahje eará birra. Gildojuvvon leat nappo

- luonddu ludnen ja nuoskkideapmi

- eana- ja baktevuođu vahágahttin, geđggiid ja eananávdnasiid váldin ja sirddašeapmi
- šattolašvuođa vahágahttin, guobbariid čoaggin ja murjen ja ealli ja jápma šattuid, guobbariid ja daid osiid eará váldin
- meahccebivdu ja guolástus ja elliid eará goddin, bivdin ja heađušteapmi, besiid heađušteapmi ja duššadeapmi ja jápma ealli bázahusaid, gahččan čorvviid jed. váldin čuoggás 5 máinnašuvvon spiehkastagaiguin
- luonddumeahcis leahkki geahččalanbáikkiid, oahpistanrusttegiid ja rusttegiid bilideapmi
- eará johtaleddjiid heađušteaddji doaimmat ja beatnagiid, bussáid ja eará ruovttuelliid luoitin luonddumeahccái
- boazodoallu ja dasa guoskevaš doaimmat; guvlui gártan bohccuid oažžu viežžat guođohemiin eret guovllu goziheadji lobiin

2. Johtalanvuoigatvuođat

Bievlan oažžu johtalit luonddumeahcis dušše vácci meahccái merkejuvvon bálgáid mielde. Dalle bálgáin oažžu spiehkastit ja bálgáid olggobealde johtalit dušše Meahccedutkanlágádusa čálalaš lobi vuođu. Muohttaga áigge guovllus oažžu johtalit iežas ráđiiguin vácci dahje čuoigga.

Mohtorfanastallan ja eará johtaleapmi čáhcefiervruiguin lea lobálaš luonddumeahccái gullevaš čáhceguovllus Gilbbesjávrris.

Muohttaga áigge oažžu mohtorgielkkástallat Gilbbesjávrris ja luonddumeahci rádjelinnjá mielde gaskkas Golddajávri-Guohkkemašjávri. Muđui lea vuodjinfiervruid geavaheapmi, meahccesihkkelastin ja áibmofievrruid seaivun gildojuvvon.

3. Ávdinstobu geavaheapmi, gohtten ja bázahusafuolahus

Guohkkemašjávri ávdinstohpu lea oaivvilduvvon ovttá idjadeapmái. Gohttet lea lohpi ávdinstobu lahkosis dan várás merkejuvvon guovllus.

Buolli bázahusat boldojuvvojit nu, ahte váldojuvvojit vuhtii dolastallanmearrádušat , ja eará bázahusat dolvojuvvojit bázahuslihtiide dahje fievrriduvvojit eret.

4. Dolastallan

Dolastallat leat lohpi dušše dan várás oaivvilduvvon dolastallanbáikkiin. Dolastaladettiin oažžu geavahit sesttovaččat dán ulbmilii várrejuvvon, báikki ala buktojuvvon muoraid. Dolla galgá vuolgedettiin fuolalaččat jáddaduvvot.

Dolastallan lea ollásit gildojuvvon meahccebuvollinváruhusa áigge ja muđuige, go meahccebuvollinvárri lea goikkádaga, garra biekká dahje eará siva dihte sakka vejolaš. Mátkevuoššana oažžu geavahit.

5. Meahccedutkanlágádusa lobi vuođul suvvojuvvon doaimmat

Meahccedutkanlágádus sáhtta addit lobi dieđalaš dahje oahpahasulbmilis dáhpáhuvi bálgáid olggobealde johtaleapmái, dutkandoibmii ja šaddo-, ealli- dahje eananvuođđobázahusaid unnánaš váldimii, jos dat ii mearkkašahttiládje rievdat guovllu luonddudili.

Luonddumeahccái jápmán, eará sajis lobálaččat bivdojuvvon vuođđoealli lea lohpi viežžat ja meahccebivddu oktavuođas hávváduvvan ealli guorrat dušše Meahccedutkanlágádusa lobi vuođul ja rávvagiid mielde.

Lohpi dáidda dahje ortnetnjuolggadusas spiehkasteaddji eará doibmii ohccojuvvo čálalaččat Meahccedutkanlágádusa Kolari dutkanstašuvnnas.

6. Eará mearrádusat

Luonddumeahci ráfáidahttinmearrádusat eai gáržžit áššáigullelaš eiseválddiid, go dat gozihit luonddumeahci, dahket dikšundoaimmaid dahje virgebargguid dikšumii guoskevaš eará doaimmaid luonddumeahcis. Ráfáidahttinmearrádusat eai hehte luonddumeahccái guoskevaš ásahusa (932/81) 5 §:a mielásaš eiseválded-, lágáded. doaimbajuid.

Luonddumeahci goziheaddjái gullá fuolahit das, ahte guovllus čuvvojuvvojit dan birra addojuvvon njuolggadusat. Goziheaddji sáhtta addit luonddusuodjalanulbmilis dán ortnetnjuolggadussii vuođđuduvvi mearrádusaid, maid gallestallit galget čuovvut.

Luonddusuodjaleami goziheaddji eiseválddis ja luonddumeahci goziheaddjis lea lága 83/1998 mielde vuoigatvuohta duoguštit meahcástan-, guolástan-, čoaggin- dahje eará neavvuid, mat leat geavahuvvon dahje maid lea jurdda geavahit daid njuolggadusaid dahje mearrádusaid vuostá, mat galget čuvvojuvvo luonddumeahcis. Duoguštanvuoigatvuohta guoská maiddái luonddumeahcis lobiheamet bivdojuvvon elliide ja doppe váldojuvvon šattuide ja buot eará dakkárii, mii luonddumeahcis lea gildojuvvon váldimis dahje doppe geavaheamis.

Luonddumeahccái guoskevaš ásahusa (932/81) ja dán ortnetnjuolggadusa njuolggadusat, maid mielde muhtun doaimbajut leat luonddumeahcis lobálaččat, eai atte geasage viidáset vuoigatvuođa go mii sutnje muđui gullá.

Rihkkumušat luonddumeahci ortnetnjuolggadusa vuostá dahje luonddusuodjalanlágas (71/23) oaivilduvvon ráfáidahttinmearrádusa vuostá ránggáštuvvojit luonddusuodjalanlága vuođul, jos dagus ii eará sajis lágas mearriduvvo garraset ránggáštus.

Lassediđut

Ortnetnjuolggadus ja dasa guoskevaš lassedieđut leat fidnemis
Meahccedutkanlágádusa čuovvovaš doaibmabáikkiin:

Gilbbesjávri dutkanguovlu
99490 Gilbbesjávri
tel. (016) 537 715
Luonddumeahci vástideaddji goziheaddji: Kuisma Ranta, párkameaštir

Kolari dutkanstašuvdna
95900 Kolari
tel. (016) 561 401

Dutkamušmeahccebálvalusat
Jokiniemenkuja 1
01300 Vantaa
tel. (09) 857 051

ČUOVUS: Malla luonddumeahci kárta
- bálgát, maid mielde oažžu johtalit bievlan
- johtolat, man mielde oažžu vuodjit mohtorgielkkáin muohhtaga áigge
- luonddumeahci rádjemarkkat meahcis

čuovus

MALLA LUONDDUMEAHCCI
Ortnetnjuolggadus

(--) bálgát, maid mielde oažžu johtalit bievlan

(--) johtolat, man mielde oažžu vuodjit mohtorgielkkáin muohhtaga áigge

(--) luonddumeahci rádjemarkkat meahcis

© Eananmihtidanlágádusa lohpi nr 308/KaO/93



MALLAN LUONNONPUISTO

Järjestyssääntö

— — — — polut, joilla liikkuminen lumettomana aikana sallittu

• • • • • reitti, jolla moottorikelkalla ajo lumipeitteen aikana sallittu



luonnonpuiston
rajamerkit maastossa

